


# Čuvanje djece

## i dječje zdravlje

INFORMATIVNI LIST ZA RODITELJE



## Upoznavanje djece sa starosjedilačkom kulturom

Ovo su samo neke osnovne sugestije za aktivnosti i resurse sa odgovarajućim, pozitivnim iskustvima, koje će kod djece podići svijest o starosjedilačkom naslijeđu i kulturi.

### Knjige i pripovijedanje priča

Čitajte s djecom starosjedilačke priče. Pored mnogih priča zasnovanih na Starosjedilačkim snovima, postoje mnoge savremene priče o starosjedilačkom narodu. Djeca vole pripovijedanje priča a to je važan dio starosjedilačke kulture. Pokušajte pročitati i naučiti tradicionalnu priču Starosjedilački san a zatim je djeci prepričati bez gledanja u knjigu. Priče su tradicionalno bile pripovijedane noću, uz logorsku vatru tako da ne bi bilo loše posjedati djecu oko dječjeg sanduka za igru i prepričati im priču dok istovremeno štapom crtate slike na pijesku. Ponukajte djecu da slušaju priču zatvorenih očiju tako da koristeći maštu, stvaraju slike u vlastitoj svijesti.

### Muzika

Pušajte starosjedilačku muziku sa *didgeridoo* i drugim instrumentima da se tiho čuje u pozadini dok djeca jedu, odmaraju i igraju se u kući ili vani. Pušajte mješavinu tradicionalnih, savremenih, svečarskih starosjedilačkih pjesmi i muzike za ples.

### Slagalice

Danas postoje mnoge slagalice koje izražavaju raznolikost starosjedilačkog naroda. Raznovrsnost slika i boja djeci omogućava da bolje shvate raznolikost starosjedilačkog naroda.

### Umjetnost/rukotvorine

Izradite dozivač emua od dijelova klinova (iz prodavnice građevinskog materijala) koji su dekorisani bojom. Dozivač emua je instrument sličan didgeridoo (tradicionalno ga koriste samo muškarci, samo što je dosta kraći-dug je oko 40 cm a koristio se u lovu. Dozivač emua se drži jednom rukom a drugom se lupka po drugom kraju. Naziv "emu caller" ili dozivač emua je dobio zbog toga što proizvodi zvuk sličan glasu koji ispušta emu. Lovci su ga koristili da privuku emue. Emu je jako radoznao tako da ga zvuk privlači. Kada se emu dovoljno približi, lovac ga pogodi kopljem.

Lovci su, tradicionalno, znali koristiti i jedan drugi način da privuku emua - zalegnuti u visoku travu i mahati rukama i nogama. Radoznali emu bi došao da vidi o čemu se radi i tada bi bio ulovljen kopljem. Pokušajte ovo kao igru s djecom – dosta je zabavno.

Jedna druga zabavna aktivnost je pravljenje štapova za udaranje takođe poznatih kao udaraljke ili muzički štapovi. Tradicionalno, oni se prave od drveta i dekorišu bojom ili užarenom žicom. Štapovi mogu biti različitih veličina i namijenjeni su i muškarcima i ženama. Zvuk se proizvodi tako što se udara štapom o štap. Udaraljke se mogu napraviti sa klinovima koje možete kupiti i izrezati u bilo kojoj trgovini građevinskog materijala. Nakon što ih djeca oboje i dekorišu, mogu se redovno koristiti.

*Ovaj informativni list za roditelje na raspolaganju je na različitim etničkim jezicima a može se skinuti sa internet stranice Early Childhood Connections [www.ecconnections.com.au](http://www.ecconnections.com.au)*

INICIJATIVA



ROYAL CHILDREN'S HOSPITAL

PODŽALI KROZ SUBVENCIJU  
ZA OBRAZOVANJEPODRŠKA NACIONALNO VIJEĆE  
ZA AKREDITACIJU OBDANIŠTA

PODRŽALI

Australian Government  
Department of Families,  
Community Services and  
Indigenous Affairs